

Uunga siunnersuut:

**Uunga siunnersuut: Nunami inuussutissarsiutinut tunngatillugu
inuussutissarsiornermik siuarsaaneq pillugu Inatsisartut inatsisaata
allanngortinneqarnera pillugu inatsit nr. x ulloq xx. 2021-imeersoq. (Erseqqissaaneq
nipilorsornermik inuussutissarsiutinut aamma filmiliornermi inuussutissarsiutinut
tunngatillugu)**

Inuussutissarsiornermut Niuernermullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerneqarneranut

ISUMALIUTISSISSLUTAA

Ataatsimiititaliap suliarinninnermini inuttarai:

Inatsisartunut ilaasortaq Mariane Paviaisen, Inuit Ataqatigiit, Siulittaasoq
 Inatsisartunut ilaasortaq Lars Poulsen, Siumut, Siulittaasup tullia
 Inatsisartunut ilaasortaq Aqqalu Jerimiassen, Atassut
 Inatsisartunut ilaasortaq Karl Tobiassen, Siumut
 Inatsisartunut ilaasortaq Knud Mathiassen, Inuit Ataqatigiit
 Inatsisartunut ilaasortaq Harald Bianco, Inuit Ataqatigiit
 Inatsisartunut ilaasortaq Aslak Wilhelm Jensen, Siumut

UKA2021-mi ulloq 12. oktober siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisai siunertaalu

UPA2020-mi immikkoortoq 87-imut allannguutissatut siunnersuutip Inatsisartunit akuersissutigineqarnerata malitsiatut siunnersuut saqqummiunneqarpoq, taanna malillugu ‘Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaannik allanngueqqullugit Naalakkersuisut peqquneqarput¹, taamaalillutik

¹ Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-meersoq kingusinnerusukkut allannguutitalik.

nipilorsornermik inuussutissarsiutit aamma filmilornermik inuussutissarsiutit inatsisip atuuffianut ilaatinneqarnerat erseqqissarneqarluni.

Siullermeerinninnermi siunnersuummut tapersiilluartoqarpoq.

Tusarniaaneq

Siunnersuut tamanut ammasumik tusarniaassutigineqarsimavoq Namminersorlutik Oqartussat tusarniaasarnermut quppersagaanni piffissami 19. november 2020-imiit 30. december 2020-imut.

Siunnersuut illup iluani Naalakkersuisoqarfiiit akornanni tusarniaassutigineqarsimavoq piffissami 1. december 2020-imiit 5. januar 2021-imut. Tusarniaaneq pillugu ataatsimiitaliaq allanik oqaaseqaatissaqanngilaq.

Ataatsimiitaliap siunnersuummik suliarinninner

Inatsisip atuuttup atuuffianut “nipilorsornermik- aamma filmilornermik inuussutissarsiutit” ilaatinneqarnerannik erseqqissaateqarneq pineqartoq ataatsimiitaliamit maluginiarneqarpoq. Tamanna inatsimmi atuuttumi atutereerpoq, tassami nipilorsornermik- aamma filmilornermik inuussutissarsiutit §2, imm. 1 malillugu “misigisassarsiortitsilluni inuussutissarsiornermut” ilaatinneqareermata.

Inuussutissarsiornermut Aatsitassanullu Ataatsimiitaliaasimasup UPA2020/87-imik (UKA2020/87-imik) suliarinninnerminut atatillugu nipilorsornermik inuussutissarsiortut inuussutissarsiornermut tapiissutinik pissarsisinnaanerannut killiliissutit periarfissallu suuneri qulaajarniarsimavai. Periarfissat killiliissutilu assingi filmilornermik inuussutissarsiornermut taamatuttaaq atuutsinnejarpuit. Inuussutissarsiornermut Aatsitassanullu Ataatsimiitaliap immikkoortoq UPA2020/87-imut isumaliutissiissutaanut innersuussisoqarpoq.

Siunnersuutip aningaasaqarnikkut kingunissai

Siunnersuut pisortanut inuussutissarsiuummilluunniit ingerlatsisunut aningaasaqarnikkut allaffissornikkullu kinguneqartussatut nalilerneqanngitsoq Naalakkersuisunit ilisimatitsissutigineqarpoq, tassami siunnersuutikkut maannamut periutsimik atorneqartumik allannguisoqarani Inatsisartut inatsisaata atuuffianik erseqqissaateqarneq taamaallaat pineqarmat, taamaalillutik nipilorsornermik inuussutissarsiorneq filmilornermillu inuussutissarsiorneq Inatsisartut inatsisaannut ilaatinneqalerlutik. Ataatsimiitaliaq tamanna pillugu oqaaseqaatissaqanngilaq.

Ataatsimiitaliap inassuteqaatai

Ataatsimiitaliap isumaqatigiittup siunnersuut **akuersissutigineqassasoq inassutigaa.**

Ataatsumiitaliap taama oqaaseqaateqarluni isumaliutissiisummilu allassimaneratut paasinnilluni siunnersuut aappassaaniigassanngortippaa.

Mariane Paviaisen
Siulittaasoq

Lars Poulsen
Siulittaasup tullia

Aqqalu Jerimiassen

Karl Tobiassen

Knud Mathiassen

Harald Bianco

Aslak Wilhelm Jensen